



## Universitätsbibliothek Paderborn

### **Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani**

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

**Gavanti, Bartolommeo**

**Antverpiæ, 1646**

De Rubricis Benedictionum. XIX.

**urn:nbn:de:hbz:466:1-40214**

& anniversario: nam eadem Oratio pro Papa dicitur in obitu & in anniversario, nulla facta in ea anniversarij mentione.

12 Missa quoque est eadem in obitu & anniversario Papæ, cur non etiam erit Episcopi? Cardinales autem eodem priuilegio mortis gaudent quo Episcopi, & in huiusmodi functionibus post mortem sunt æquales. Extra prædictos dies, Missæ dieuntur ut in quotidianis Defunctorum, cum proprijs Orationibus.

13 In titulo *Pro patre & matre* addita est vox *Sacerdotis*: nam alias de patre cuiusque non conuenit Oratione in ore Sacerdotis, ut palet audiensi.

14 Missæ, quæ circumferuntur sancti Gregorij pro viuis & defunctis, neque sunt sancti Gregorij, neque sunt approbatæ à sancta Sede Apostolica, imò reiectæ, ita ut neque in calce Missalis retineri possint, ex Decreto sacræ Rituuum Congregationis die 8. Aprilis 1628.

15 Pro eo qui proximè obiit, longè tamen à nobis, prima vice potest dici Missa ut in die tertio, omisso verbo *tertium*.

16 N. exigit nomen Defuncti, si ramen est nobilis, vel consuetudo fit nominandi omnes in Collecta & Orationibus.

17 Habentur in Sacramen. Gregoriano Orationes, Fidelium Deus, cum Secreta, & Postcommunione: in anniversario, pro Episcopo, Deus omnium fidelium; pro Sacerdote, Praesta; pro defuncto, *Inclina*, & *Absolve*; pro fratribus, Secreta; pro ijs qui in cœmeterio, tres consuetæ; pro pluribus defunctis, Deus, cui proprium, &c., Animabus, cum duabus seqq. reliqua sunt recentiores: ex quibus illæ duæ, qua pro Episcopo vel Sacerdote additæ sunt, post eam utrique communem, Deus qui inter Apostolicos, &c. conuenientius dicuntur in ijs Missis, in quibus per modum commemorationis dici deber Oratione pro prædictis ijsdem; vel certè posita sunt ad varietatem.

### De Rubricis Benedictionum. XIX.

**B**enedictio hæc sumitur pro rebus ipsis specialis sanctitas impertitur, ita ut in usus profanos illæ deinde transferri non possint: & aliae quidem sunt constitutæ benedictiones, aliae invocatiæ, ex Caiet. 2. 2. quæst. 88. artic. 11. illæ quidem, per quas sicut res sive personæ diuino cultui destinantur, haec vero sunt, per quas à Deo, vel rebus, vel personis imploratur auxilium diuinum. Primi generis sunt Benedictiones aquæ, vestium Sacerdotalium, mapparum Altaris, Corpo-

ralium, & Vasculi pro factosancta Eucharistia, de quibus in Missali agitur; quia communes esse possunt simpli- ci Sacerdoti priuilegiato, seu delegato, nedum Episcopo, seu Abbatii. Secundi generis aliae sunt, Agni in Paschate, onorum, panis, nouorum fructuum, cuiuscumque comedibilis, candelarum, loci, domus nouæ, thalami, & nouanauis, quæ in Missali descriptæ sunt extra præiudicium aliarum, quæ in Rituali Romano habentur; quia haec quocumque Sacerdote fieri possunt, & fieri sèpiùs contingunt; neque Rituale

tuale Romanum, sicuti Missale, cuiusque facile suppetere solet.

2 Origo harum Benedictionum, quae fiunt per verba Sacerdotis addito signo Crucis, absque ullo dubio ab Apostolis est: neque desunt, qui in hanc causam illud Apostoli Pauli explicant, i. *Tim. 4. Formā habet sanorum verborum que à me didicisti. Sanorum, hoc est, quae sanare possunt creaturas, siue insensibiles siue sensibiles.*

3 Habitus benedicturi Sacerdotis erit Superpelliceum, & Stola regulatiter alba, aliquando violacea, ut infra. Nam color albus designat puritatem communicandam rebus benedicendis; violaceus autem adhibetur congruè in benedictione coniuncta

cum exorcismis, ad effugandos dæmones; unde ad aquam benedicendam eo colore utimur: potest tamen adhiberi Stola coloris temporis conuenientis, ut dicitur in *Rubricis Ritualis Romani.*

4 Stando semper benedicat Sacerdos, & aperto capite; manuque formet Crucis signū versus ré, ubi est nota  $\ddagger$ , & item ipsam aspergat in fine ter, hoc est, in medio, à dextris, & à sinistris rei.

5 Super Altare quidem benedicenda res collocari poterunt, non autem esculenta, quae omnino super mensam ponenda erunt, non in Altari.

*De Aqua benedicta ha sunt Rubricae in Missali.*

6 a Die Dominica, in sacrificia preparato sale & aqua benedicenda,

b Sacerdos celebratus Missam, vel alias ad id deputatus, Alba vel Superpellico indutus cum Stola circa collum, primò dicit  $\ddagger$ . Adiutorium.

a *Die Dominica.*] Numquā omittitur in Dominicis aspersio Aquæ benedictæ, *Microl. 41.* in memoriam Baptismi, qui in Dominica Paschæ solemniter celebratur, *Rupert. lib. 7. cap. 20.*

b *Sacerdos celebratus Missam.*]

Sacerdotis est hæc benedictio, ex *Concilio Nannenensi*. si celebratus est Missam, induat super Albam Stolam Missæ conuenientem: si alias est, adhibeat super cottam Stolam violaceam, ut in *Rituali Romano Pauli V.*

7 Deinde absolute incipit exorcismum salis.

c *Salis.*] Miscenda est Aqua benedicta cum sale, ex *Clemente lib. 8. Constit. cap. 29.* vbi meminit benedictionis aquæ, & virtutis eius ad morbos pellendos, & dæmones fugandos: delentur etiam venialia, ex *santo Thoma 3. par. quest. 65. artic. 1. ad 6.* Quod an fiat ex opere operantis, ut afferunt cum *santo Thoma Avenensis & Abulensis*, citati à *Suar. 3 par. disput. 12. Sectione 2.* an vero ex opere operato,

quod significant *Victoria, Sotus, & Lederma* apud *Gregor. de Valent. Tom. 4. disput. 7. quest. 4.* non est quod hoc loco minus utiliter disputemus. Valet etiam Aqua benedicta ad pellendos corporis morbos, ut *Tobias noster par. 1. cap. 72.* fisiūs probat, vbi multa de hoc effectu afferit exempla non communia. Lege *Baronium Tomo secundo anno 152. Tomo quarto 362. & 389. Tomo octavo 598. & Tomo de-*

*tim. 944.* Illud est præcipuum in hoc ritu: quod sicut in ingressu Ecclesiæ aspergimur statim Aqua benedicta; ita mundari à Deo tacitè petimus, vt maiori cum puritate vel sacrificemus, vel oremus; & præfertim Clerus hoc intendere debet, iuxta illud *Isaia 52. Mundamini, qui fertis vas* à *Domini.*

8 Priùs autem quam à Clemente, nimirum à sanctis Apostolis, & præfertim à sancto Matthæo, qui, ex *Marfilio Columna*, fuit auctor benedictionis aquæ, hunc ritum effluxisse certum est, desumpto ritu ab Eliseo Propheta 4. *Regum 2.* qui sale fugavit sterilitatem aquæ. vnde *Raban.*

*lib. 2. cap. 55.* Aqua à fôrdibus mundat, sal putredinem fugat; aqua nitorem præbet, sal sinceritatem adhibet; aqua potum sapientia significat, & sal gustum prudentiae indicat.

9 Sed quare sal ante aquam benedicitur? quia benedicenda est aqua cum eius mixtione. Per salem intellige amaritudinem pœnitentie, per aquam Baptismum. Quia ergo præcedere debet cordis compunctione, idèo sal priùs benedicatur, *Duran. lib. 4. cap. 4.* Alexander Papa ritum hunc confirmauit Decreto, de *Consec. can. Aquam. Distinct. 3. VV alafrid. capite 19.* testatur cum *Microlog. cap. 41. 46.* & alijs.

10 *Ter mittit sal in aquam in modum Crucis, dicendo semel.*

*Ordo Romanus:* Ut in virtute Trinitatis fiat benedictio & mixtio Christi cum populo. *Aqua multæ, populi multi.* Quia Christus sal est, à quo Apostoli sal terræ dicti sunt. Miscenda quoque est amaritudo cum

pœnitentia & Baptismo, ex *Durando loco citato*, ad sanctificationem, quam *Cyprianus Papa*, id est *Episcopus*, citatus à *Durand. ibidem*, docet esse proprium effectum Aquæ benedictæ.

11 *Finita benedictione, Sacerdos celebraturus, indutus ad Pluniali coloris Officio conuenientis, accedit ad Altare; & ibi ad gradus cum ministris genuflexus, accipit à Diacono aspersorium, & primò ter aspergit Altare, deinde se, & erectus ministros, incipiens Antiphonam, Asperges me, & Chorus prosequitur, Domine hyssopo, &c. ut infra. Interim Celebrans aspergit Clerum, deinde populum, dicens submissa voce cum ministris Psalmum Miserere.*

12 Ante Tertiam, *Rupert. ait lib. 9. cap. 10.* sed post Tertiam, *Ordo Romanus. in die sancto Pasche*, & indicat *Cerimon. Episcop. lib. 2. cap. 31. vbi* præscribitur, quod in fine aspersoris capit Planetam, & facit Sacerdos confessionem: ergo, dicta Tertia, fit aspersio; sed & ante benedictionem

palmarum, seu candelarum, si hæc occurrat in Dominica, fit aspersio, vt supra in proprijs locis dictum est.

*d Pluniali.* ] Hoc est, post Amictum, Albam, Cingulum, & Stolam, vt in predicto *Cerimoniali*: neque procedit postremus, vt aliqui scripsere, sed medius inter ministros paratos, *ibidem;*

*ibidem*; nempe, si cum ijsdem cantanda sit Missa.

e *Ibi ad gradus.*] Hoc est, in insimo eius gradu, *Cerimon. ibidem*; & *ibidem*, *as Rubr.* genuflexus: ergo etiam genuflectit tempore Paschali, cui Dominica æquiparatur. Aspergit autem genuflexus Altare, ob maiorem reverentiam; & seipsum item, ad indicandam humilitatem: sicuti genuflexus etiam sibiipsi cineres imponit, ut suo loco diximus.

f *Ter aspergit Altare.*] In medio, versus cornu Euangelij, tum Epistolæ. Altare vero aspergitur ob reverentiam Sacramenti in eo conficiendi, vt inde arceantur hostes, *Duran. vbi suprà*; & ob memoriam Baptismi Christi, à quo vim habet Baptismus noster.

13 Quid si in Altari sit exposta sanctissima Eucharistia, abstinendum est ab aspersione Altaris, ea ratione qua non signatur Altare ad *In principio*, vt dictum est in *Feria quinta in Cena Domini*; & hoc expressè habetur in *Ambrosiano Missali proximè edito anno 1618*. Diaconus quoque tunc similiter debet abstinere ab osculis aspersorij & manuum.

g *Et erectus ministros.*] Id est, adhuc genuflexos, primò Diaconum, deinde Subdiaconum.

h *Incipiens Antiphonam.*] Debet ex predicto *Cerimon.* incipere Antiphonam ante aspersionem Altaris; eodemque modo intellige Rubricam Missalis, quamvis postponere videatur Antiphonam. Conuenit enim vt dicatur *Asperges*, futuri temporis, ante aspersionem actualem. Neque nouum videri debet, quod inchoatur Antiphonam.

na genibus flexis: nam idem prescribitur Episcopo in principio Synodi in Pontificali Romano, & in qualibet sessione. Est autem hæc Antiphona de fide Baptismi prophetia; nam hyssopus significat humilitatem & passionem Christi, à qua pendet Baptismi virtus, *Ruper. lib. 7 cap. 20.*

i *Aspergit Clerum.*] Aspergens non inclinat caput; at Clerum stare decet detecto capite, & aspergenti reverenter caput inclinare, *Cerimon. Episcop. lib. 2. cap. 31.* neque tamē aspersio singulorum fieri debet, sed plurimum simul, tam Cleri quam populi; & iuxta locorum consuetudinem fiat aspersio laicorum. Canonici singillatim aspergi poterunt, ad maiorem eorumdem venerationem; quibus & Celebrans aliquam honoris significationem adhibebit ante & post totam eorum aspersionem: quod ne fiat incongruè à maiori Celebrante, statuit Gregorius XIII. 30. Decembris 1573. teste *Genuensis in Praxi Archiepiscop. cap. 63. Roma edita 1616.* ne in Ecclesijs Hispaniarum Antistes, vel alia persona principalis asperget Clerum in Dominicis ante Missam; sed eius loco simplex Sacerdos cum Superpelliceo, & Stola, & cum Acolythis tantum.

l *Cum ministris.*] Comitantur eum ministri, Diaconiisque eleuat à dextris simbriam Pluvialis. Quod si, in predicto *Cerimon.* procedit solus Celebrans, hoc ibi iubetur ob reverentiam Episcopi presentis, vt coram eo cum minori pompa Celebrans procedat.

m *In Psalmum.*] Id est, totum Psalmum alternatum cum ministris.

14 Hæc Antiphona prædicto modo dicitur ad aspersionem Aquæ benedictæ in Dominicis per totum annum; excepta Dominica de Paſtione, & Dominica Palmarum, in quibus non dicitur <sup>a</sup> Gloria Patri, sed post Psalmum Miserere repetitur immediate Antiphona, Asperges me. Excepto etiam tempore Paſchali, scilicet à Dominica Paſcha usque ad Pentecosten, quo tempore cantatur Antiphona, <sup>o</sup> Vidi aquam; Dominica vero Trinitatis resumitur Asperges.

<sup>n</sup> Gloria Patri.] Omittitur ijs diebus, quibus in Missa dici prohibetur. hæc enim aspersio est quasi initium Missæ.

<sup>o</sup> Vidi aquam] Habet Ordo Romanus in die Paſchæ Antiphonam, Vidi aquam: ubi etiam habes eosdem exorcismos salis & aquæ cum Orationibus prædictis; quando nimurum agitur de

Consecrat. Eccles. habentur etiam in Sacramentario sancti Gregor. Verùm hæc Antiphona desumpta est ab Ezechiele 47. & significat fontem sacramentalis de templo corporis Christi, de cuius latere quidem lœvo humanitatis, dextro autem diuinitatis, exiuit sanguis & aqua Baptismalis, Rupertus loco citato.

15 In die sancto Paſchæ & Pentecosten, ubi est fons Baptismalis, fit aspersio cum aqua pridie benedicta in fonte Baptismi, & ante infusionem olei & chrismatis accepta.

Hæc eadem Ordo Romanus, & in cap. Sabbato. de Consec. Distinct. 4.

16 Finita Antiphona supradicto modo, Sacerdos qui aspersit aquam, reuersus ad Altare, stans ante gradus Altaris iunctis manibus, dicat <sup>p</sup> V. Ostende, &c. Tempore Paſchali additur Alleluia.

Nota, quod in Oratione ultima petitur, mitti Angelum de cælis, non nisi post purificationem per aspersiōnem Aquæ benedictæ.

<sup>p</sup> Reuersus ad Altare.] Hoc est, ad infimum eiusdem gradum, Ceremonial. Episc. loco citato.

17 Tenent autem ministri librum ante Celebrantem, ibidem, dum dicit Versus & Orationem. Post Orationem Exaudi deponitur Pluuiale, assumitur Manipulus cum Casula pro Missa, Cerimon. ibidem.

18 Reliquæ Orationes quæ sequuntur pro benedictione Agni, omo-

rum, panis, nouorum fructuum, rerum comestibilium, candelarum, loci, domus nouæ, thalami, nouæ nauis, Sacerdotialium indumentorum, mapparum, Corporalium, Vasculi Sacramenti, quæ sine vocatione sunt, habentur partim in Ordine Romano, partim in Pontificali, partim in Ritualibus antiquis.

19 Benedictio Agni ad communem mensam fit ex vñsu Romano, Microlog. cap. 54. Panis, à sancto Petro, ex Abdia lib. 2. Histor. Apostol. & Oratione est in Sacramentario Gregoriano; ubi etiam habetur Oratione rerum come-  
stibilia.

*sibilium. Frugum* verò habet originem à sancto Clemente *Constitut. li. 8. cap. 4. seu, ex Baronio anno 283.* à Decreto Eurychiani Papæ.

20 Quæ traditur hoc loco *candalarum benedictio*, ea est, quæ fieri contingit extra diem Purificationis beatæ Virginis: quod expressè notatur in *Rituali Romano Pauli V.* Item ea loci est, quæ fit extra diem Sabbati sancti, in quo maiori ritu domorum fit benedictio, & a Parocho, cuius proprius habetur ritus in *predicto Rituali*: nam, ut diximus, in Missali positæ sunt tantum ea benedictiones, quæ citra præindictum iurum Parochialium à quocumque Sacerdote, & quandocumque, fieri possunt.

21 Pro benedictione *vestium Sacerdotialium* Orationes habentur in *Sacramentario Gregoriano*. Reprehendit *Possenius de Officio Curati cap. 2. num. 33.* eos, & meritò, qui assuunt vestem Sacerdotalem non benedictam vesti Sacerdotali benedictæ, & eam dissuunt post Missam, putantes hoc sufficere vice benedictionis propriæ: quod nullatenus est permittendum.

22 Quæritur autem: Quis benedicere potest has vestes præter Episcopum? Abbates, & alij Regularium Superiores ex Priuilegio benedicere possunt; non tamen benedicere paramenta Ecclesiarum non sibi subditarum, neque Abbates, ex Decreto sacræ Rituum Congregationis die 24. *Augusti 1609.* & renouato in fauorem Episcopi Spoletani die 30. *Septemb. 1628.* Neque obstat consuetudo allegata à *Tamburino de Iure Abb. Tom. 1. disput. 22. quæst. 2. num. 2.* quam abrogauit, & non obstat declarauit ea-

dem S. Congregatio 18. *Augusti 1629.* Nullo modo Sacerdotes simplices benedicere possunt proprias vestes, ex *Nanar. conf. 2. de consecr. Eccles.* neque Protonotarij, ex Decreto sacræ Rituum Cōgregationis 17. *Iulij 1627.*

23 Quæritur postremò: An Episcopi hanc facultatem possint alijs Sacerdotibus delegare. *Tabien. v. Abbas. num. 12. Vgolin. de Episc. cap. 32. num. 5.* negant: & in praxi sacra Rituum Congregatio sæpiùs requisita fuit ab Episcopis insignioribus, & S. R. E. Cardinalibus, eiusdemque sacræ Rituum Congregationis Praefectis, iustis de causis apud Ecclesiæ proprias non residentibus, pro facultate delegandi, & eam pluribus concessit, aliquando limitando personas in dignitate constitutas, 14. *Nonembri 1615.* aliquando tempus ad sex menses, 14. *Martij 1616.* & sæpiùs tandem sine limitatione, 2. *May 1619.* & deinceps alijs eodem modo. Ratio est, quia de potestate ordinis est hæc benedictio: ea verò non potest ab Episcopo delegari, sicuti potestas iurisdictionis, quæ delegari potest.

24 Hactenus de Benedictionibus. In calce Missalis additas inuenies Orationes dicendas in consecratione Episcopi, & in collatione Ordinum, excerptas à Pontificali: at, inquires, Cur in Missali positæ sunt? Respondeo, ad maiorem commoditatem consecrantis & consecratorum, ut quisque eas dicere possit statim in suo Missali in Missa consecrationis. Prima verò harum Orationum legitur in *Sacramentario sancti Gregorij*, nimirum ea quæ pro Episcopi consecratione dicitur.

Et hic finis totius Missalis.

A T

Q q 2

A P-